

Leu'dd

Te'l gu lij ju'rddmen piijjâd odd leeu'd, di vuõ'ste fe'rttai smiõttâd tõid oummid le'be oummu pirr keä'st jordd leu'ddjed. Jos pee'jj leeu'd õuddmeârkkkan Ķiurrâl ââ'ljest, suu nõõmâst ij kuõ'sttu sookknõmm, le'sa pâi ee'jj nõmm da sää'nn tõn "â'lğğ", Ķiurrâl â'lğğ. Niõđ pirr leu'ddjemmen õs kuâsttai ee'jj nõmm Säävaž da sää'nn "nijdd", Säävu nijdd.

"Duna, Duna" leu'dd mušttâl Jääkk Sverloff vuõssmõs kaavsõõzzâst Dunast. Jääkk lääi ku'kesäiggsaz saa'mi õuddâamaž, vuõste Suõ'nnjelsiidâst da mânŋa Če'vetjääu'rest. Jääkk da Duna le'jje ju'n loppõõttân kwei'mmsež gu vuõssmõs jõnn väinn ââ'lji. Jääkk jooudi väinneed samai Puola rää'jest, tå'ben son jaauki čiččâm ee'kked.

Duna ij tiättam lääi-a Jääkk teä'nab jie'llmen avi ij, gu su'st ij leämmaž ko'lljaam ni mii. Di Duna näittlõõđi Ķiurrlin, Jakku puärrsab viilljin. Tån leeu'dast lij saggstõõllmõš Duna da kwei't Sandra kõõskâst. Saggstõõlli lie Duna, suu vuäbb Sandra da suu e'mm nu'bb Sandra.

Jakku viillj nijdd, Vassi Semenoja lij mättjaam tån leeu'd puärrsab puõlv leu'ddjeejin.

Leeu'd raajji ij leäkku teâđast. Täujja lääi nu't, štõ leeu'd ra'jje jiijjâs soogg oummin da šõddmõõžžin.

Ķe'rjiteei: Seija Sivertsen

ns: Raija Lehtola